

საქართველოს ურბანული რეკონსტრუქციის და განვითარების პროექტი
(GURAD)

ტენდერი დასახელება:

ბორჯომის მუნიციპალიტეტის დაბა ახალდაბის წყალსადენის რეაბილიტაცია

ტენდერის #: EIB/MIMP/W/NCB/36-2017

წინასატენდერო შეხვედრის ოქმი

თარიღი: 18 აპრილი, 2017 წელი

სატენდერო დოკუმენტაციის „ინსტრუქციები ტენდერში მონაწილეობის“ 7.4 პარაგრაფის შესაბამისად **2017 წლის 18 აპრილს, 15:00 საათზე** გაიმართა წინასატენდერო შეხვედრა საქართველოს მუნიციპალური განვითარების ფონდში, დავით აღმაშენებლის გამზირი #150, სართული 3, ოთახი #316, თბილისი 0112, საქართველო.

დამკვეთის მხრიდან შეხვედრას ესწრებოდნენ შესყიდვების სპეციალისტები და პროექტების შეფასების სამსახურის სპეციალისტი.

შეხვედრას ესწრებოდა ერთი დაინტერესებული კომპანიის წარმომადგენლები.

შეხვედრა გახსნა შესყიდვების სპეციალისტმა, რომელმაც ზოგადად განმარტა წინასატენდერო შეხვედრის მიზანი.

დაინტერესებული კომპანიის მხრიდან დაისვა შემდეგი შეკითხვები:

1. კითხვა: ჩათვლება თუ არა კომპანიას წყლის სისტემების მოწყობის სამუშაოების კონტრაქტი მსგავს კონტრაქტად?

პასუხი: აღნიშნული შეკითხვა წარმოადგენს არა სატენდერო დოკუმენტაციის განმარტების მოთხოვნას, არამედ კომპანიის კვალიფიკაციის შეფასების თხოვნას ტენდერის გახსნამდე, რაც შეუსაბამოა სატენდერო პროცედურებთან.

2. კითხვა: ერთობლივი საწარმოს შემთხვევაში, საკმარისია თუ არა, თითოეული პარტნიორი აკმაყოფილებდეს ხელმისაწვდომი წლიური შესაძლებლობის 25%-ს?

პასუხი: სატენდერო დოკუმენტაციის (მეორე ნაწილი) მე-3 თავის (შეფასებისა და კვალიფიკაციის კრიტერიუმში) 2.3 ფაქტორის 2.3.2 „ბ“ ქვეფაქტორის თანახმად, ერთობლივი საწარმოს შემთხვევაში თითოეული პარტნიორი უნდა აკმაყოფილებდეს წლიური შესაძლებლობის 25%-ს, ხოლო მინიმუმ ერთი პარტნიორი - 40%-ს.

3. კითხვა: საკმარისია თუ არა ბანკის წერილი ლიკვიდური აქტივების ხელმისაწვდომობის დამადასტურებლად და შესაძლებელია თუ არა, რომ ერთობლივი საწარმოს შემთხვევაში თითოეულმა კომპანიამ წარმოადგინოს წერილი ბანკიდან მოცემული კრიტერიუმის დასაკმაყოფილებლად?

პასუხი: დიახ, შესაძლებელია. სატენდერო დოკუმენტაციის (მეორე ნაწილი) მე-3 თავის (შეფასებისა და კვალიფიკაციის კრიტერიუმში) 2.3 ფაქტორის 2.3.3 ქვეფაქტორის თანახმად, ერთობლივი საწარმოს შემთხვევაში წევრი კომპანიები ერთობლივად უნდა აკმაყოფილებდნენ აღნიშნულ კრიტერიუმს.

4. კითხვა: როგორ ხდება კომპანიის საშუალო წლიური ბრუნვის შემოწმება?

პასუხი: კომპანია შევსებულ ფინანსურ ფორმებთან ერთად წარმოადგენს ასევე შესაბამისი წლების მოგების დეკლარაციებს.

5. კითხვა: სატენდერო წინადადების საბანკო გარანტია წინადადების წარმომდგენი ერთობლივი საწარმოს სახელით უნდა იყოს წარმოდგენილი, თუ შესაძლებელია ერთობლივი საწარმოს მხოლოდ ერთი პარტნიორის სახელზე იყოს გაცემული?

პასუხი: სატენდერო დოკუმენტაციის (პირველი ნაწილი) პირველი თავის (ინსტრუქციები ტენდერში მონაწილეთათვის) 19.8 პუნქტის თანახმად, სატენდერო წინადადების გარანტია სატენდერო წინადადების წარმომდგენი ერთობლივი საწარმოს სახელით უნდა იყოს წარმოდგენილი.

6. კითხვა: საკმარისია თუ არა, ერთობლივი საწარმოს შემთხვევაში კომპანიამ წარმოადგინოს განზრახვის წერილი ერთობლივი საწარმოს შექმნის შესახებ და შემდგომ წარმოადგინოს შეთანხმება ერთობლივი საწარმოს შექმნის შესახებ?

პასუხი: დიახ შესაძლებელია. განზრახვის წერილი ყველა წევრის მიერ უნდა იყოს ხელმოწერილი და წარდგენილი სატენდერო წინადადებასთან და შემოთავაზებულ ხელშეკრულების ასლთან ერთად. ზემოაღნიშნული შეთანხმება უნდა აკმაყოფილებდეს სატენდერო დოკუმენტაციის (მეორე ნაწილი) მე-2 თავის (სატენდერო მონაცემთა ნუსხა) 20.2 პარაგრაფის მოთხოვნებს.

7. კითხვა: რა შემთხვევაში აქვს დამკვეთს უფლება, მოითხოვოს კონტრაქტის შესრულების გარანტიის თანხის გაზრდა?

პასუხი: იმ შემთხვევაში, თუ ვერ დადასტურდება ტენდერის მონაწილის მყარი ფინანსური პოზიცია და პერსპექტიული გრძელვადიანი რენტაბელობა, ასევე კომპანია ვერ აკმაყოფილებს ისეთ ფინანსურ კრიტერიუმებს, როგორიცაა ხელმისაწვდომი წლიური შესაძლებლობა, დამკვეთი იტოვებს უფლებას, უარყოს წარმოდგენილი წინადადება ან მოითხოვოს კონტრაქტის შესრულების გარანტიის თანხის გაზრდა (იხ. სატენდერო დოკუმენტაციის მე-2 ნაწილის მე-3 თავის 1.1 და 1.8 პუნქტები). ასევე გაზრდილი შესრულების გარანტია შესაძლებელია კომპანიას მოეთხოვოს თუ მიერ მიერ ერთეულგანფასებთან კონტრაქტზე წარმოდგენილი სატენდერო წინადადება, რომელსაც ყველაზე დაბალი ფასი აქვს, დაუბალანსებელია ან ხარჯები საწყის პერიოდშია კონცენტრირებული, სატენდერო დოკუმენტაციის პირველი ნაწილის პირველი თავის (ინსტრუქციები ტენდერში მონაწილეთათვის) 35.5 პარაგრაფის საფუძველზე.

8. კითხვა: სატენდერო ფორმების შევსება ერთობლივი საწარმოს ყველა წევრის მიერ უნდა მოხდეს თუ საკმარისია ინფორმაცია მხოლოდ ერთ კომპანიაზე?

პასუხი: სატენდერო ფორმები უნდა შეივსოს ერთობლივი საწარმოს წევრი ყველა კომპანიის მიერ.

9. კითხვა: გამოცდილების დადასტურების მიზნით შესაძლებელია თუ არა კომპანიის მიერ მოხდეს საჯარო დამკვეთთან გაფორმებული კონტრაქტებისა და ასევე კერძო პირებთან გაფორმებული კონტრაქტების წარმოდგენა?

პასუხი: დიახ, შესაძლებელია დამკვეთი იყოს როგორც კერძო, ისე საჯარო პირი.

10. კითხვა: ინფორმაცია მიმდინარე სასამართლო პროცესების შესახებ ეხება მხოლოდ ტენდერებთან დაკავშირებულ დავებს, თუ ყველა სახის დავას?

პასუხი: ინფორმაცია მიმდინარე სასამართლო პროცესების შესახებ წარმოდგენილი უნდა იყოს ყველა დავაზე, არა მხოლოდ ტენდერთან დაკავშირებით.

11. კითხვა: შესაძლებელია თუ არა, რომ კომპანიამ წარმოადგინოს კონტრაქტები, რომელთა საერთო ღირებულება დააკმაყოფილებს მინიმალურ მოთხოვნას მსგავსი სახის სამუშაოების კონტრაქტისთვის, მაგრამ ვერ დააკმაყოფილებს თითოეული კონტრაქტის მინიმალური ღირებულების მოთხოვნას?

პასუხი: სატენდერო დოკუმენტაციის (მეორე ნაწილი) მე-3 თავის (შეფასებისა და კვალიფიკაციის კრიტერიუმი) 2.4 ფაქტორის 2.4.2 (ა) ქვეფაქტორის თანახმად, კონკურსანტს, 2012 წლის 1 იანვრიდან განაცხადის წარდგენის ბოლო თარიღამდე, წარმატებულად უნდა ჰქონდეს დასრულებული სულ მცირე ერთი (1) წყალსადენის მოწყობის/რეაბილიტაციის კონტრაქტი, არანაკლებ 610,000.00 ლარის ექვივალენტის ღირებულებით ან ორ კონტრაქტში, რომელთაგან თითოეულის ღირებულებაა სულ მცირე 305,000.00 ლარის ექვივალენტი.